

## Anexo III

### MODELO DE PROGRAMACIÓN DE PROBA LIBRE DE MÓDULOS PROFESIONAIS

#### 1. Identificación da programación

##### Centro educativo

Código	Centro	Concello	Ano académico
15025530	IES DA POBRA DO CARAMIÑAL	POBRA DO CARAMIÑAL	2023-2024

##### Ciclo formativo

Código da familia	Familia profesional	Código do ciclo formativo	Ciclo formativo	Grao	Réxime
SAN	SANIDADE	CM19001	COIDADOS AUXILIARES DE ENFERMERÍA	MEDIO	RÉXIME DE PROBA LIBRE

##### Módulo profesional

Código MP/UF	Nome	Curso	Horas
CM0304	HIXIENE DO MEDIO HOSPITALARIO	1º	160

##### Profesorado responsable

Belén Varela Neira / Diana Pereiro Rivas
--

#### 2. Resultados de aprendizaxe e criterios de avaliación

##### 2.1. Primeira parte da proba

##### 2.1.1. Resultados de aprendizaxe do currículo que se tratan

Resultados de aprendizaxe do currículo
RA1: Diferenciar os compoñentes da unidade do paciente e analizar as condicións hixiénico- sanitarias que debe cumprir , describindo os métodos e as técnicas para conseguilas. Realizar a preparación de berces e incubadoras segundo os protocolos de hixiene e seguridade establecidos
RA 2: Aplicar técnicas de limpeza e desinfección aos materiais e instrumentos utilizados na asistencia sanitaria.
RA 3: Esterilizar os materiais e instrumentos sanitarios, realizar os controis correspondentes e almacenar adecuadamente o material estéril
RA 4: Utilizar as medidas de illamento precisas segundo a situación, estado e idade do paciente
RA 5: Contribuír na prevención de infeccións hospitalarias, actuando sobre a transmisión de enfermidades
RA 6: Selecciona-los medios e técnicas en función do tipo de mostra biolóxica a recoller e aplicar a técnica de recollida adecuada ó estado e idade do paciente ou cliente.
RA 7: Realizar e eliminar os refugallos clínicos segundo os protocolos de hixiene e seguridade establecidos.

### 2.1.2. Criterios de avaliación que se aplicarán para a verificación da consecución dos resultados de aprendizaxe por parte do alumnado

Criterios de avaliación do currículo
CA 1.1 Describiuse a unidade do paciente, e as súas condicións ambientais. Coñeceronse a cama hospitalaria e os seus diferentes tipos
CA 1.2 Clasificouse e identificouse o material segundo o seu uso
CA 1.3 Describíronse as técnicas de limpeza e desinfección
CA 1.4. Describíronse as distintas técnicas de esterilización e o seu uso
CA 1.5 Describíronse as enfermidades transmisibles e as enfermidades hospitalarias
CA 1.6 Identificáronse os eslavóns da cadea epidemiolóxica
CA 1.7 Identificáronse os distintos tipos de illamento en función da patoloxía do paciente
CA 1.8 Describíronse as diferentes técnicas de recollida de mostras biolóxicas e o seu adecuado traslado
CA 1.9 Identificáronse os distintos tipos de residuos clínicos e a súa segregación

## 2.2. Segunda parte da proba

### 2.2.1. Resultados de aprendizaxe do currículo que se tratan

Resultados de aprendizaxe do currículo
RA1: Diferenciar os compoñentes da unidade do paciente e analizar as condicións hixiénico- sanitarias que debe cumprir , describindo os métodos e as técnicas para conseguilas. Realizar a preparación de berces e incubadoras segundo os protocolos de hixiene e seguridade establecidos
RA 2: Aplicar técnicas de limpeza e desinfección aos materiais e instrumentos utilizados na asistencia sanitaria.
RA 3: Esterilizar os materiais e instrumentos sanitarios, realizar os controis correspondentes e almacenar adecuadamente o material estéril
RA 4: Utilizar as medidas de illamento precisas segundo a situación, estado e idade do paciente
RA 5: Contribuír na prevención de infeccións hospitalarias, actuando sobre a transmisión de enfermidades
RA 6: Selecciona-los medios e técnicas en función do tipo de mostra biolóxica a recoller e aplicar a técnica de recollida adecuada ó estado e idade do paciente ou cliente.
RA 7: Realizar e eliminar os refugallos clínicos segundo os protocolos de hixiene e seguridade establecidos.

### 2.2.2. Criterios de avaliación que se aplicarán para a verificación da consecución dos resultados de aprendizaxe por parte do alumnado

Criterios de avaliación do currículo
CA 2.1 Realizaronse os tipos diferentes de camas hospitalarias
CA 2.2 Preparouse o carro de curas co material necesario
CA 2.3 Realizouse a limpeza e desinfección do material e instrumental non rexeitable utilizado na consulta médica ou odontolóxica, utilizando as técnicas axeitadas
CA 2.4 Realizouse a esterilización polos diferentes métodos e equipos habituais no servizo, dependendo das características do material
CA 2.5 Verificouse que o proceso de esterilización (tempo e temperatura), secado e aireado, foi o correcto para

cada procedemento, mediante os controis físicos, químicos e biolóxicos correspondentes

CA 2.6 Realizáronse as técnicas de prevención de enfermidades

CA 2.7 Aplicáronse as técnicas de hixiene e tomáronse as precaucións necesarias para cada tipo de illamento

CA 2.8 Realizáronse as técnicas de recollida de mostras biolóxicas

### 3. Mínimos exixibles para alcanzar a avaliación positiva e os criterios de cualificación

#### **MÍNIMOS EXIXIBLES:**

Considéranse como mínimos exixibles todos os criterios teóricos e prácticos indicados na presente programación.

#### **CRITERIOS DE CUALIFICACIÓN:**

A valoración da adquisición dos resultados de aprendizaxe do módulo profesional levarase a cabo a través da realización das dúas partes da proba, por parte da persoa aspirante, ante o profesor ou profesora do módulo.

a) Primeira parte da proba. Terá carácter eliminatorio e consistirá nunha proba escrita que versará sobre unha mostra suficientemente significativa dos criterios de avaliación establecidos na programación para esta parte.

O profesor ou profesora do módulo profesional cualificará esta primeira parte da proba de cero a dez puntos. Para a súa superación as persoas candidatas deberán obter unha puntuación igual ou superior a cinco puntos. Finalizada esta primeira parte da proba, as comisións de avaliación exporán a puntuación obtida polas persoas aspirantes no taboleiro de anuncios do IES da Pobra do Caramiñal.

b) Segunda parte da proba. As persoas aspirantes que superen a primeira parte da proba realizarán a segunda, que tamén terá carácter eliminatorio e consistirá no desenvolvemento de un ou de varios supostos prácticos que versarán sobre unha mostra suficientemente significativa dos criterios de avaliación establecidos na programación para esta parte.

O profesor ou profesora do módulo profesional cualificará esta segunda parte da proba de cero a dez puntos. Para a súa superación as persoas candidatas deberán obter unha puntuación igual ou superior a cinco puntos. As persoas que non superen a primeira parte da proba serán cualificadas cun cero nesta segunda parte. Finalizada esta segunda parte da proba, as comisións de avaliación exporán as puntuacións obtidas no taboleiro de anuncios do IES da Pobra do Caramiñal.

Os membros da comisión de avaliación poderán excluír de calquera parte da proba dun determinado módulo profesional as persoas aspirantes que leven a cabo calquera actuación de tipo fraudulento ou incumplan as normas de prevención, protección e seguridade, sempre que poidan implicar algún tipo de risco para si mesmas, para o resto do grupo ou para as instalacións, durante a realización das probas. Neste caso, o profesor ou a profesora do módulo profesional cualificará esa parte da proba do módulo cun cero.

#### **AVALIACIÓN, CUALIFICACIÓN E RECLAMACIÓNS:**

A avaliación da proba libre realizarase nos termos previstos no artigo 37 da Orde do 12 de xullo de 2011 e a expresión da cualificación final obtida por cada aspirante no presente módulo profesional será numérica, entre un e dez, sen decimais.

A cualificación final correspondente da proba do módulo profesional será a media aritmética das cualificacións obtidas en cada unha das partes, expresada con números enteiros, redondeada á unidade máis próxima. No caso das persoas aspirantes que suspendan a segunda parte da proba, a puntuación máxima que poderá asignarse será de catro puntos.

As persoas aspirantes poderán presentar reclamación contra as cualificacións finais alcanzadas do módulo no IES da Pobra do Caramiñal, consonte o procedemento establecido no artigo 45.2 da citada Orde do 12 de xullo de 2011. As referidas reclamacións deberán basearse nalgún dos seguintes aspectos:

a) A avaliación que se levou a cabo non foi adecuada aos resultados de aprendizaxe e os criterios de avaliación recollidos na correspondente programación.

b) Os instrumentos de avaliación aplicados foron inadecuados, conforme o sinalado na programación.

c) A aplicación dos criterios de cualificación establecidos na programación para a superación das partes da proba do módulo profesional non foi correcta

#### 4. Características da proba e instrumentos necesarios para o seu desenvolvemento

##### 4.1. Primeira parte da proba

Terá carácter eliminatorio e consistirá nunha proba escrita de preguntas tipo test de resposta única, e/ou preguntas de verdadeiro/falso, e/ou preguntas curtas, e/ou preguntas a desenvolver e/ou imaxes, na que se desenvolverán todos aqueles CA (criterios de avaliación) sinalados anteriormente (apartado 2.1.2.).

As pautas para a realización de dita proba son as seguintes:

- As preguntas mal respostadas puntuarán negativo, cunha proporción 2:1, é dicir, cada pregunta mal respostada, restará a metade do valor dunha pregunta correctamente respostada.
- As preguntas non respostadas non puntuarán, nin positiva nin negativamente.
- Para a superación de esta proba deberá obterse unha cualificación de cinco puntos ou máis.
- A duración da proba teórica será de 2 horas non prorrogables.
- Unicamente serán correxidas as respostas recollidas na planilla de respostas proporcionada polo profesor ou profesora, as cales deben ser perfectamente lexibles. No caso contrario ou dobre resposta, contarán como negativa.
- Para a realización da proba será necesario o uso de bolígrafo azul ou negro non borrable.
- Non se permitirá o acceso á sala do exame con móbiles ou outros dispositivos electrónicos, como reloxos intelixentes.
- Será necesaria a identificación mediante DNI ou pasaporte, que deberá estar a disposición do profesorado, enriba da mesa.
- Ao finalizar a proba, deixarase a plantilla de respostas volteada enriba da mesa, xunto coas preguntas do exame.
- Non estará permitido sacar da aula onde se realiza a proba ningún documento.

##### 4.2. Segunda parte da proba

As persoas que superen a primeira parte da proba realizarán a segunda que terá tamén carácter eliminatorio e consistirá no desenvolvemento de un ou varios supostos prácticos que versarán sobre unha mostra suficientemente significativa dos CA (criterios de avaliación) sinalados anteriormente (apartado 2.2.2.) desta programación.

Para a superación de esta proba o alumnado deberá acadar unha puntuación mínima de cinco puntos.

A duración da proba práctica será de 2 horas non prorrogables.

Para a realización da proba será necesario o uso de bolígrafo azul ou negro non borrable.

Non se permitirá o acceso á sala do exame con móbiles ou outros dispositivos electrónicos, como reloxos intelixentes.

Será necesaria a identificación mediante DNI ou pasaporte, que deberá estar a disposición do profesorado.